



宋朝事實

漢書門  
一〇九  
八二四  
冊裝冊號類

內閣文庫  
元九  
一  
九

內閣文庫		
番號	漢	9198
冊數	8	(1)
函號	294	25

294-25



御製題武英殿聚珍版十韻

有序

校輯永樂大典內之散簡零編並蒐訪天下遺籍不

下萬餘種彙為四庫全書擇人所罕觀有裨世道人

心及足資考鏡者剞劂流傳嘉惠來學第種類多則




付雕非易董武英殿事金簡以活字法為請既不濫

費聚梨又不久淹歲月用力省而程功速至簡且捷

考昔沈括筆談記宋慶歷中有畢昇為活版以膠泥

成而陸深金臺紀聞則云毘陵人初用鉛字視版

印尤巧便斯皆活版之權輿顧埏泥體麤鎔鉛質軟



御製武英殿聚珍版十韻

俱不及鋟木之工緻茲刻單字計二十五萬餘雖數  
百十種之書悉可取給而校讐之精今更有勝於古  
所云者第活字版之名不雅馴因以聚珍名之而系  
以詩

稽古搜四庫於今突五車開鑄思壽世積版或充閭張

帖唐院集周文梁代餘同為製活字用以印全書精越

鵝冠體昨歲江南所進之書有鵝冠字即富過鄴架儲

機圓省雕氏功倍謝鈔胥聯腋事堪例埏泥法似疎毀

銅昔悔彼康熙年間編纂古今圖書集成刻銅字為活

破竊缺少司事者懼于咎適值乾隆初年京師錢貴遂  
請毀銅字供鑄從之所得有限而所耗甚多已為非計  
且使銅字尚存則今之印書  
不更事半功倍乎深為惜之刊木此慙予既復羨梨棗  
還教慎魯魚成編示來學嘉惠志符初

乾隆甲午仲夏



卷五 郊一

卷六 郊二

卷七 廟制

卷八 道釋

卷九 玉牒

卷十 公主

卷十一 宰執拜罷

卷十二 儀注一

卷十三 儀注二

卷十四 儀注三

官職

勳臣

配享

卷十

宰執拜罷

卷十一

儀注一

卷十二

儀注二

卷十三

儀注三

卷十四

科目

樂律

歷象

卷十五

耕田

財用

卷十六

兵刑

卷十七

削平僭僞

卷十八

陞降州縣一

卷十九

陞降州縣二

卷二十

經略幽燕

臣等謹案宋朝事實宋李攸撰文獻通攷作李攸

傳寫誤也攸字好德陳振孫書錄解題稱其官為

承議郎而不詳其里貫惟永樂大典所載江陽譜

稱攸于政和初編輯西山圖經九域志等書瀘帥

孫義叟招之書上轉一官張浚入朝約與俱以家事辭攷江陽卽瀘州屬潼川路則攸當爲瀘州人其曰張浚入朝蓋紹興四年浚自川陝宣撫使召還時也其書據江陽譜蓋上起建隆下迄宣和凡六十卷前三十卷先聞于時後以餘三十卷上之以語觸秦檜寢其書不報故晁公武讀書志陳振孫書錄解題但作三十卷與譜相合而趙希弁讀書附志宋史藝文志乃俱作三十五卷今書中有紹興乾道間州縣陞降淳熙紹熙間館職員額及

光寧理度四朝神御殿名殆爲後人所附益歟攸熟于掌故經靖康兵燹之後圖籍散佚獨汲汲搜輯舊聞使一代典章粲然具備其用力頗爲勤摯所載歷朝登極南郊大赦詔令太宗親製趙普碑銘西京崇福宮記景靈西宮記大晟樂記往往爲宋文鑑名臣碑傳琬琰集播芳大全文粹諸書所闕漏至其事蹟之異同年月之先後紀載之詳略尤多可與東都事略文獻通攷續通鑑長編及宋史互相參訂又如石晉賂契丹十六州分代北山

前山後足訂薛歐二家五代史稱山後十六州之  
 誤周世宗兵下三關並載淤口關亦足補薛歐二  
 史祇載瓦橋益津二關之闕當時如江少虞事實  
 類苑錦繡萬花谷多引之宋史亦多採用其文今  
 各書俱存猶可攷見第原本久佚惟散見于永樂  
 大典各韻下者尚存梗概而割裂煩碎莫由攷見  
 其體例惟趙希弁讀書附志具載門目今以所存  
 者攷之惟爵邑一門原本全佚餘皆可以一一分  
 類編次謹依舊目釐為二十卷雖未能悉復原書

而綱舉目從咸歸條貫亦得其十之七八矣攸別  
 有通今集二十卷宋史藝文志入故事類今佚不  
 傳又嘗上書秦檜戒以居寵思危尤為侃侃不阿  
 則其人亦足重不獨以博洽見長矣乾隆四十  
 一年十一月恭校上

總纂官侍讀學士臣陸錫熊

侍講學士臣紀昀

纂修官國子監助教銜臣張義年



宋朝事實卷一

宋 李 攸 撰

祖宗世次

僖祖諱朮原註土 睿祖諱朮原註土 僖祖諱朮原註土 睿祖諱朮原註土

廟諱本是上聲近見臣僚章疏多避去聲更令兩制詳  
定晁迴等謂僖祖諱字從月從兆按說文曰晦而月見  
西方也音土了切又從肉祭肉也土了切一作他凋切  
今請止從平聲又朮目不正也他甲切音義各異望不  
迴避奉聖旨依案四祖廟諱南宋以朮廟不避故淳  
熙重修文書式不載釋文互注韻略亦然攸南宋人猶  
載嫌名蓋以仕後唐歷永清文安幽都三縣令十二月  
存故實耳

七日崩葬欽陵原註幽州 建隆元年追尊文獻皇帝案元年

天月百實 卷一

作二年今據李燾長編改正

大中祥符五年加上文獻睿和皇帝大

觀元年再加上立道肇基積德起功懿文憲武睿和至

孝皇帝樂舞大善之舞冬至祀昊天上帝夏至祀皇地

祇升侑后崔氏建隆元年追諡文懿翰林學士禮部侍

郎竇儼議行見于外曰懿子順祖

順祖諱珽

原註他鼎切

珽珽頰町芋程程項塤塤

蜒葶閉濕笄艇艇仕歷藩鎮從事御史中丞正月二十

五日崩葬康陵

原註幽州

建隆元年追尊惠元皇帝大中祥

符五年加上惠元睿明皇帝樂舞大寧之舞上辛祈穀

孟冬祭神州地祇升侑后桑氏建隆元年追諡惠明翰

林學士禮部侍郎竇儼議容儀恭美曰明子翼祖

翼祖諱敬

原註慶切

居竟鏡獍皦皦仕歷營薊涿三州刺史

周顯德中贈左驍衛上將軍四月十二日崩葬靖陵

始曰定陵乾興元年改卜更陵名自國初加上四祖陵

名欽陵康陵定陵竝幽州惟安陵舊在京城東南隅及

改卜葬安陵後三陵尚未修奉真宗即位有言順祖翼

祖葬保州者詔內侍與長吏同共詢訪又令中書門下

定議遂迎奉至京師安于佛寺景德元年將卜改葬十

月降手詔曰康陵定陵已經迎奉將議修崇國家事祖

宗之尊以園陵為大始自開國之際首行議禮之文尋

建陵名尚虛神寢而有司懇拜章表而述聽聞有此二

陵尚居清苑朕以事關宗廟理合審詳周詢輔弼之臣

皆云盡有撫據朕以為更須重慎宜廣諮詢至于命  
 使以經營委藩侯而訪察繼視來奏執曰無疑復俾大  
 臣再陳定議遂有迎奉之請用慰追遠之情既覩僉同  
 因從典禮遷之楚利營乃山陵今則安厝有期儀制將  
 舉朕每從餘暇常閱羣書因覽太祖實錄明載二陵所  
 在又皆不指保州疑慮之間夙夜增念雖朝廷之議延  
 訪無嫌而信史之文標載有異況陵寢之事朝廷之儀  
 舉而行之無大于此宜令中書門下與樞密院同共詳  
 定聞奏中書門下樞密院上言伏以尊崇祖廟務極孝  
 思營奉陵園必尊典制向者始基王業首舉祖廟務極  
 四廟之儀尋建諸陵之號雖未崇于北域已備載于冊  
 書向以職司連上章表述其間見頗陳懇激之言詢以  
 宰司亦有僉同之議羣論既從于採納宸衷過務于審  
 詳特選使臣仍委牧守式資審慎密往詢求尋訪之間  
 皆有依據敷陳之際頗謂周詳大臣之承遂伸迎奉之儀  
 誦允屬矧重熙之肇啓當大孝之丕承遂伸迎奉之儀  
 將行安厝之禮陛下爰因暇日徧閱羣書覩信史之所  
 標指瑩城之有異誠如聖慮更切參詳事繫宗祧允宜

重慎臣等共議其迎到神寢向期卜葬即望權停所有  
 二陵伏請量加營繕務從儉約倍節煩勞葬以衣冠設  
 其園寢用仲朝拜之禮以慰尊祖之情懷徐俟辨明別期  
 遷奉庶不違于古道且頗協于人情狂瞽之言仰期聖  
 擇奉詔康陵定陵宜令藍繼宗罷修其迎到神寢遂以  
 一品禮葬于河南縣為二位大中祥符四年正月車駕  
 幸汾陰次西京遣知制誥錢惟演詣一品墳以建隆元  
 香幣酒脯祭告每朝拜諸陵日以少牢致祭  
 年追尊簡恭皇帝大中祥符五年加上簡恭睿德皇帝  
 樂舞大順之舞今據宋史樂志改正大雩祀升侑后  
 劉氏父正平州刺史初追封京兆郡太夫人建隆元年  
 追諡簡穆翰林學士禮部侍郎竇儼議布德執義曰穆  
 子宣祖

宣祖諱弘殷原註上一字胡肱切下一字於斤切政和

一字民姓有犯者今擬作商字尙恐庶難曉檢准武

王克商封夏后氏之後于杞封殷之後于宋合改殷之

商字爲愨灑激蕲礮灑愨愨名永樂大典原本缺一字嫌仕晉爲

龍捷左廂都指揮使岳州防禦使顯德三年宋史宣

卒贈武清軍節度使原本作元年今改正贈武清軍

節度使七月二十六日崩葬安陵原註乾德元年改卜

三十九尺陵臺三層正下方每面長九十七尺高

至乳臺鵲臺皆九十五步乳臺高二十五尺鵲臺增四

尺神牆高九尺五寸周迴四百六十步各置神門角闕

景德初析鞏縣偃師緱氏登封縣地置縣曰永安以奉

建官司咨爾朝闕之臣仍兼宰邑之務式嚴崇奉用著

典彝宜以殿中丞黃昭度知陵臺令兼永安縣事置令

自此始乾德三年九月太祖命內人安陵送寒衣遂爲

定式自是寒食亦往開寶九年三月帝親謁安陵奠獻

號勳崇寧元年六月十四日敕中書省尚書省送到兵

部二狀荆湖北路轉運司狀據鼎州申契勘本州龍陽

有永安驛及永安舖改爲龍潭舖名相犯永安驛合行改爲

龍潭驛永安舖改爲龍潭舖名目申候指揮奉聖旨依

如諸處永安更有如此者並仰一面改正內太常寺供到陵

名下項永安陵永昌陵永熙陵以上係昭孝禪院永裕陵永

泰陵以上係建隆元年追尊昭武皇帝大中祥符五年

寧神禪院

加上昭武睿聖皇帝樂舞大慶之舞大饗明堂感生赤

帝升侑原註國初有司上言國家受周禪周木德木生

感生景靈宮天元殿奉安御容后杜氏父爽贈中書令

周顯德中封南陽郡太夫人建隆元年有司請上尊號

曰皇太后

原註有司上言伏以王者立顯親之殿所以

實有彝章伏惟帝母南陽郡太夫人象叶陰靈功深厚載塗山助夏道冠千三王文母與周名存乎十亂徽號未正闕孰甚焉謹按漢書帝祖母曰太皇太后帝母曰皇太后陛下膺圖資始孝治攸先宜彰墜鷲之祥式表躍龍之貴伏請上尊號曰二年六月二日崩諡明憲太皇太后詔恭依未行冊禮

常少卿馮吉議照臨四方曰明聖善同達曰憲乾德二

年改諡昭憲

原註二年改卜安陵吏部尚書張昭上言

后諡上一字皆與帝諡上字同國朝追尊四親廟自翼

連昭字伏請改上于太祖太宗

太祖諱匡胤

原註上一字去王切筐邸眶恇助涯駉距蛭

筐輒頤眶框閻眶廷軒輜靴蠶引朋鋤輶酌鼓滄濱輶

戲及杓曠榭後唐天成二年丁亥歲二月十六日生于

西京大內甲馬營以其日為長春節仕周為歸德軍節

度使

原註唐宋州後唐改為歸德軍帝由此受命

都點檢顯德七年正月四日受周禪乾德元年十一月

上尊號曰應天廣運仁聖文武至德皇帝開寶元年十

一月加上尊號曰應天廣運聖文神武明道至德仁孝

皇帝開寶九年十月二十日崩太平興國二年四月十

五日葬河南府鞏縣永昌陵

原註宰臣薛居正撰陵名

其風土國初遣營繕宮室有遷都之志開寶九年西幸郊祀既至而宮殿宿衛者多不安處宮中或見怪異又霖雨彌月芻粟不集遂東歸歎曰朕生不得居此死當葬于此還謁安陵哭奠畢更衣登闕臺西北向慷慨涕數行下發鳴鑄中其

所曰我後當葬此 大中祥符元年歲次戊申十一月戊午朔二十七日甲申孝子嗣皇帝臣某謹再拜稽首

上言臣聞長發其祥流芳于商頌克昌厥後播美于周詩慶以積善而綿長祖以有功而不顯純熙之祉曷奕無疆由資始于景靈爰錫羨于來裔是以允升岱社祇薦牲瑄式昭嚴配之儀恭率追崇之典聿隆皇運仰屬

玄猷伏惟太祖英武聖文神德皇帝奮武開階膺圖構象神機天縱睿斷飈馳當建極以居尊乃卜年而垂裕靈旗直指革輅親征多壘削平中區大定烝黎以之富壽寰海于是混同禮樂交修梯航畢至倒干戈而弗用肅刑政以惟清推恩雨施于萬方發號風行于四表成功不宰至德無踰時格太平民用丕變盡垂鴻之經制資奕世之宏規遺烈具存信書攸紀臣猥以冲眇逮茲纂承履大寶之尊奉神器之重寤寐思治旰昃忘勞動循燕翼之謀克致治平之化屬兵鋒載戢年穀順成琛

賁來庭邊防罷警仰昊穹之敷佑繫宗社之儲休景貺  
 薦臻寶符載錫將伸昭報祇事禋燔而民庶相趨表章  
 狎至願遵時邁固請升中勉徇輿情用成先志靈辰協  
 吉必祀允修罄誠明之心禱蒼黔之福上封喬嶽既畢  
 于增高歸格太宮敢忘于尊祖粵若應期之康濟創業  
 之艱難底績之基扃歸厚之風化垂于不朽可得而言  
 欽奉威靈重揚徽懿謹遣攝太尉推忠協謀同德佐理  
 功臣金紫光祿大夫工部尚書同中書門下平章事集  
 賢殿大學士監修國史上柱國太原郡關國公食邑三

千七百戶食實封一千八百戶臣王旦奉寶冊謹加上  
 尊諡太祖啓運立極英武睿文神德聖功至明大孝皇  
 帝恭惟本仁觀德宗廟載嚴致孝因心簡冊增耀在天  
 降鑒錫祚有孚眷祐後昆永永無極謹言參知政事馮  
 拯撰樂舞大定之舞冬至祀昊天上帝升侑景祐二年太常  
 禮院奏准今月三日詔書敕中書門下王者奉宗廟貴  
 功德禋天祀地則有侑神作主之尊審禘合食則有百  
 世不遷之重朕以寡薄獲承天序實賴先烈訖臻治平  
 懼不能揚祖宗之休丕顯懿鏢夙夜惟念弗遑寧居恭  
 以太祖皇帝奮淳耀之精輯樂推之俗五代屯否中華  
 剖裂天威一震罔不率俾夷僭黜暴皇綱再張革其桀  
 鷲納諸軌度規模宏遠詒萬世法太宗皇帝躬上聖之  
 資乃膺繼服來閩粵復汾晉方夏一統尉候萬里興文

教拔羣材思皇政經憂勞庶務惠澤漸漬人骨髓真  
 宗皇帝欽明孝熙恢績鴻緒勤儉以率下哀矜以慎刑  
 撫和三邊兵不復用民靡知役物遂其生因溥博昔商  
 攷古章登封巡祭聲明焯燿享國多載仁恩溥博昔商  
 周之際則長發大禘嚴父配天逮于漢氏亦能尊二宗  
 立廟樂朕甚慕之肆我藝祖之受天命建大業可謂有  
 功矣二聖繼統重熙累洽可謂有德矣命建大業可謂  
 典籍辨崇詔配之序二祧之位中書門下審加許閣稱朕  
 意焉故茲昭示想宜知悉奉詔如前臣等言王者建廟  
 祏之嚴合昭穆之綴祖一而已始受命也宗無豫數待  
 有德也由宗而變世胄之疏戚以爲迭毀之制使後嗣  
 雖有顯揚褒大猶不得與祖竝列所以一統古之道  
 也皇帝陛下躬孝治發德音永惟三后之盛烈使攸司  
 地而推奉之禮有所未稱明發悼懼圖惟厥衷使攸司  
 得稽舊章開羣議臆懿鑠闡孫謀將膺合靈心垂榮無  
 極非臣等孤陋所能及也竊以太祖皇帝兼受寶命付  
 畀四海鋪敦燮伐潛黜不端夷澤潞之畔兼淮海之昧  
 東焚吳輿右因蜀壘湘楚閩禹請吏入朝當此之時天

下之人去久潛蒙更生永年長世丕闡洪業太宗皇帝  
 敦受大業廣運大武龔天之討辰定太原由是審九刑  
 之辟藝四方之貢信賞類能重食勸功官無煩苛人無  
 恫怨又引摺紳諸儒講道與學炳然右文與三代同風  
 真宗皇帝乾粹日照執競惟烈重威撫和休寧北方順  
 紀布度先瑞福普浸黎元肖翹蟠虞巡祕牒岱宗休兵異  
 壤翕受明辟洪惟一祖二宗之烈歷攷墳誥未寧百已備  
 眷受成湯爲商之祖漢孝文武特崇兩廟皆子孫奉  
 也昔成湯爲商之祖漢孝文武特崇兩廟皆子孫奉  
 承不輟我皇伯祖經綸草昧遂有天下宜爲帝者之  
 祖皇祖勤勞制宣布天下以治後世宜爲帝者之  
 廟竝萬世不遷先烈本之周道克厥典禮宗昔如聖詔至  
 升侑上帝哀對焉逮宗肇祀太廟禮宗昔如聖詔至  
 奉宣祖太祖配焉逮宗肇祀太廟禮宗昔如聖詔至  
 有司不敢輕議今二宗躋不祧之位則禮無異等伏  
 請自今以輕議今二宗躋不祧之位則禮無異等伏  
 無嫌其將來之感聖人之能事羣臣皆稱上顯對越之  
 盛次申適追之感聖人之能事羣臣皆稱上顯對越之



還如前議昔真宗登介丘降社首竝以太祖太宗崇配  
天地此三聖皆侑之明準其歲時常祀則至日園丘仲  
夏地祇配以太祖孟春祈穀夏雩祀冬祀神州配以太  
宗孟春感生帝配以宣祖季秋大饗配以真宗伏請皆  
如禮便陛下重宗祧之事昭鑒前載抑畏虔恭讓而不  
專故令臣等得申愚管謹用敷罄惟聖心裁覽奉敕恭  
依景靈宮皇武殿揚州建隆寺西京會聖宮應天院滁

州天慶觀南京鴻慶宮奉安御容后賀氏父景思右千

牛衛率府率晉開運初來歸周顯德中封會稽郡夫人

生燕王德昭魏國魯國二大長公主顯德五年正月二

日崩建隆三年追冊為皇后乾德二年諡孝惠陪葬安

陵宋史孝惠皇后神宗時升廟此失載祔祭后廟王氏父饒彰德軍

節度使周顯德五年來歸六年賜冠帔封琅邪郡夫人

建隆元年八月冊為皇后生皇子皇女二人皆早世乾

德元年十二月七日崩諡孝明陪葬安陵祔祭后廟太

平興國二年升祔太祖室宋氏父偓左衛上將軍邢國

公乾德六年入宮為皇后太宗即位號開寶皇后太平

興國二年居西宮雍熙四年移東宮至道元年四月二

十八日崩翰林學士宋白議慈愛忘勞曰孝温克令儀

曰章升祔太祖廟案東都事略開寶皇后至神宗時升祔太祖廟此失載

太宗諱炅原註古頰炯餽颺洞穎耿昇梟螭頰吞瑩局

憬晶舊諱光義匡義

原註開寶九年十月詔官階及州縣名有與朕名下

與上字字同者仍舊乃以諫議大夫為正諫大夫正議大夫為正奉大夫通議大夫為通奉大夫朝議大夫為朝議大夫朝議郎為朝議郎承議郎為承議郎奉議郎為奉議郎宣議郎為宣議郎宣奉郎為宣奉郎太平興國二年二月詔曰王者對越上天祗見九廟凡遇祭告必署名稱稽歷代之舊章貴難知而易避爰遵故事載易嘉名凡在庶寮當體茲意朕今改名昃自臨御以來除已改州縣散官職事官名號及人名外其舊名二字今後不須迴避仍令擇日奏告天地宗廟大中祥符二年六月詔曰太宗藩諱溥率咸知雖先訓之具存俾臨文而不避近覩列奏或犯二名間之矍然載增永慕自今中外文字有與二字相連及音同者並令迴避

年己亥十月七日生子開封府浚儀縣崇德坊護聖營之官舍以其日為乾明節淳化三年改為壽寧節建隆

元年為殿前都虞候睦州防禦使八月領泰寧軍節度

使二月七日加同中書門下平章事開封尹乾德二年

六月加中書令開寶六年九月封晉王九年十月二十

一日遂即尊位太宗以開寶九年十月二十一日即

改太平興國三年羣臣上尊號應運統天睿文英武大

聖至明廣孝皇帝端拱二年詔曰朕嘗覽羣書備觀前

古居尊之號近代方行固非軒昊之令猷且異唐虞之

舊典載惟涼德尤愧前王浮實之名非所宜稱向者羣

后同詞封章見請虔懇斯至避讓無由勉從將順之心

遂極尊崇之號每一念此深用憚然豈敢以謙德自私必將以古道為法其自前所加尊號竝宜省去今後四方上表只稱皇帝庶叶至公翌日宰相呂蒙正等奏事長春殿進曰陛下神功聖德輝映古今在于尊稱止可增益忽奉詔旨省去中外無不驚駭帝曰至如皇帝二字亦不可兼稱此起自秦始皇後代因之不改朕比欲復止稱王又以諸子封王有所妨礙朕志先定勿煩確奏其後羣臣累上尊號曰法天崇道文武皇帝詔除文武二字外宜依至道三年三月二十九日崩葬河南府

永安縣永熙陵

原註宰相呂端誤陵名

大中祥符元年歲次戊申

十一月戊午朔二十七日甲申孝子嗣皇帝臣某謹再拜稽首上言臣聞應期受命聖人所以致太平卜世其昌上帝所以祚明德然則升中昭事既報本于園方順美歸尊當增華于簡冊伏惟太宗神功聖德文武皇帝元功不宰妙用無方若唐堯之聖神有周公之材藝在朱邸也懸象集連珠之慶紹寶歷也長江出瑞石之文闡越于是來同并汾以之盪定若乃揚庭以選士闡館以育材得人而致治也集河洛之圖書闡周孔之經籍

用文以立教也授律以貞師取威而禁暴經武以定功也審官以攷績議獄以緩刑信賞而慎罰也既而講三王之禮備六代之樂躬肆類以享帝尊二祖以配天人神感通上下交泰和氣充塞德澤涵濡百靈效祥溢圖牒之所記九譯來貢超載籍之所聞然猶肝食勵精實行慈儉除宮室之藻飾絕弋獵之嬉遊省去名稱抑罷封禪積德深厚垂慶縣長俾臣薄祐嗣膺丕錫守位一紀率工咸懷疊委禎符屢惟稔歲徇黎庶之確請循虞夏之舊章告成介丘昭紀大號奉揚前烈傳之無窮而

陟配方嚴鴻名未稱敢不周爰古道侔揣大猷上以協神祇之心下以伸臣子之志再章節惠永播英聲謹遣攝太尉推忠協謀同德佐理功臣金紫光祿大夫工部尚書同中書門下平章事集賢殿大學士監修國史上柱國太原郡開國公食邑三千七百戶食實封一千八百戶臣王旦案實封一千八百戶原本誤作二千五百戶攷王旦實封戶于大中祥符元年遣祭太祖文已載明與奉寶冊加上尊諡太宗至仁應道神功聖德文武大明廣孝皇帝恭惟至神俯歆令典延休萬葉介福兆人謹言樂舞大盛之舞案長編分注云太宗廟未見樂舞名

當檢此作大盛祈穀雩祀神州地祇升侑景靈宮大定

殿西京應天院崇福宮會聖宮奉安御容后尹氏父廷

勛滁州刺史太平興國元年追尊為皇后諡淑德宋史淑

德皇后太宗在周時娶焉早薨葬孝明陵西北亭于別

廟後升耐太廟不詳年代攷文昌雜錄元豐癸亥以詳

定禮文所言七月十二日升耐太常少卿馮永錫議言

淑德皇后于太宗室此失載行不回曰淑富貴好禮曰德符氏父彥卿魏王周顯德

中來歸國初封汝南郡夫人進楚國越國開寶八年十

二月十九日薨太平興國元年追冊為皇后諡懿德太

常卿張永錫議追諡后尹氏符氏同在太平興國元

年而太常議諡者一作少卿馮永錫一

作太常卿張永錫未知孰是東都事略溫柔聖善曰懿

李燾長編及宋史俱無可攷姑仍其舊富貴好禮曰德陪葬安陵升耐太廟太宗室李氏父處

耘淄州刺史開寶末納幣太平興國二年七月入宮雍

熙元年十二月十七日立為皇后至道三年四月八日

尊為皇太后景德元年三月十五日崩諡明德吏部侍

郎郭贊議無幽不察曰明中和純備曰德升耐太宗廟

庭宋史景德三年明德皇李氏父英乾州防禦使贈

后耐葬永熙陵此失載安國軍節度使常山郡王開寶初來歸封隴西縣君太

平興國初封隴西郡夫人二年三月十二日崩至道三

年三月十二日崩至道三

年追封賢妃十二月追尊為皇太后咸平元年諡元德

都官員外郎秘閣校理舒雅議茂德丕績曰元中和淳

淑曰德大中祥符六年去太字子真宗宋史元德皇

葬于永熙陵主祠別廟大中祥符六年升祔太廟此失載

章獻明肅劉后益州華陽縣人父通后為蜀人龔美攜

入京為開封府人美以鍛銀為業真宗尹開封美因鍛

銀得見真宗語之曰蜀婦人多才惠汝為我求一蜀姬

美因納后年十五寵幸專房太宗一日問乳母曰太子

近來容貌清瘦左右有何人乳母以后對上命去之太

子不得已置于殿侍張耆家未幾太宗晏駕太子即位

祥符五年立為皇后案太宗以下應載真宗事實今永樂大典原本闕惟錦繡萬花谷所

引國朝事實有章獻明肅劉后事一條劉真宗后也錄附太宗之後

仁宗諱禎陟楨貞慎郎嬪徵於癸澣隕實楨鄒大

中祥符三年庚戌歲四月十四日生于開封府以其日

為乾元節七年三月授左衛上將軍封慶國公八年十

二月授中正軍節度使檢校太尉兼侍中封壽春郡王

天禧元年二月加中書令二年二月改建康軍節度使

太保進封昇王八月立為皇太子乾興元年二月十九

日遂即尊位

宋史乾興元年二月戊午真宗崩仁宗即位攷戊午為十九日原本誤作二十九

日今改正 天聖二年十一月上尊號曰聖文睿武仁明孝德

皇帝明年二月加號睿聖文武體天法道仁明孝德皇

帝七月詔去睿聖文武之號十一月加景祐體天法道

欽文英武聖神孝德皇帝寶元元年十一月以寶元易

景祐冠于舊號康定元年詔省去睿聖文武四字在位

四十二年嘉祐八年三月二十九日崩十月二十九日

葬永昭陵

刑部尚書平章事韓琦奏臣奉敕撰定先帝陵名者為兆域之圖按禮經而伊始因

山川之故奉先訓以惟嚴宜立嘉名上符至德伏以先皇帝仁無不浹道極莫稱開壽域以濟民咸歸聖治建

善經而長世坐致時雍豈徒超軼于百王固翰林學士

以光輝于萬古先帝陵伏請以永昭為名

王珪等議諡曰臣聞元精磅礴濟萬物而不昭其迹者

薦名曰天至德汪洋澤萬世而不有其功者建諡于帝

伏思在昔帝王生膺大名終紀大德使金聲而玉振之

以詒乎無窮之聞者帝莫盛于堯舜王莫隆于禹湯也

蓋易名之典下不得誅上古者將為至尊之諡必質于

郊然後定之茲所以推天下之至美

然後定下原本王珪華陽集補明天下之至公雖天子不得以自專也洪惟先

之欽明包富有之業而能守以約攬泰定之勢而弗恃以安固嘗邈然究視所未形俛焉積思所不及謂天命之匪易迺嚴恭戒懼庶以答靈心之顧謂民懷之靡常迺涵容煦沫庶以陶善類之歸智括萬慮而不可測恩滲四垠而不可形如兩儀之無不疇載如三辰之無不臨燭于時修廢官繼絕世禮高年勸力稽減常賦抑末游虛己以遇豪俊之材降志以從忠直之諫振立賞罰而權衡之章昭典禮而黼黻之宥恕刑獄而蕩滌之惠哀困窮而衣食之人情莫不欲逸愛其力而不勞人情

莫不欲壽輔其生而不傷羣公庶尹罔弗夷正相與謀王之朝殊鄰絕區罔弗億寧相與慕王之境父父子子兄弟弟弟罔弗順祇相與立于王之塗蓋仁政之施沛然其若是莫之能禦也矧夫耕藉于千畝之田祿祭于先王之廟報天之誠篤則八奠于園丘嚴父之志盡則再侑于明堂宗室既蕃則廣諸分玉之愛邦統未昭則豫有主器之屬下議樂之詔以攷鍾石之和置寫書之官以緝經墳之學邇英敷席圖講藝也凝幾校字疑本誤作疑機今幾原資味道也藻思粹發窮聖作也飛毫灑據華陽集改



落肆天縱也知聲色之靡伐于德義于是乎屏燕飲之  
 娛知雉兔之獲殫于精神于是乎絕盤遊之欲念組織  
 之勤則卻服御之華念土木之費則損宮室之麗西羌  
 阻命不欲久戍勞師而遂納玉關之誓南蠻肆姦不欲  
 深入討除而自致藁街之戮時則有踰沙絕漠卓犖之  
 貢委應圖合牒沕滴之瑞叢四十二年于茲可謂海內  
 大治矣竊迹羲黃之前夙乎莫索其詳自詩書之載未  
 有如茲之盛者也方將勒鴻休受永祐豈圖神機歛厭  
 邦釁上延仙鼎已成不返荆山之御玉衣雖在空陳渭

水之遊嘉原既新同軌畢至下華蓋于北極引龍輶之  
 西巡此萬國所以摧心三靈為之變色有司繇是飭舊  
 典冊丕備案丕備原本誤作不稱今據華陽集改正皇哉鑠乎幾有以綏王  
 靈而炳帝烈也謹按諡法治民無為曰神經緯天地曰  
 文通達先知曰聖保大定功曰武照臨四方曰明慈惠  
 愛親曰孝若乃羣生嘒嘒案嘒嘒原本作嘻嘻攷羣生嘒嘒句本漢郊祀歌今從華  
陽集鼓之舞之不知至化之所自然非至神乎制作禮  
 樂際天接地煥然而大備非至文乎永惟宗廟之奉實  
 發先識以建大本非至聖乎戴白之老不識兵革之警

非至武乎遐末荒昧之情格于聰明而無所遺非至明乎惇敘九族以述夫祖先之志非至孝乎粵廟號之建尚矣維其歷古聖賢之君莫不極所以尊明令顯之稱又或至于代相襲之夫仁者聖人之盛德豈獨未有以當之耶抑當時鴻儒鉅學反略于稽求抑又天之所啓期以克配先帝之廟乎詩云維天之命於穆不已此之謂歟惟功以創業為祖德以守成為宗皆尊尊之大義也先帝尊諡宜天錫之曰神文聖武明孝皇帝廟曰仁宗元豐八年加諡體天法道極功全德神文聖武睿哲

明孝皇帝樂舞大仁之舞祭皇地祇升侑

御史趙鼎奏

請遞遷真宗配孟夏雩祭以太宗專配上辛祈穀孟冬祀神州地祇循用有唐故事翰林學士王珪等議以為天地之作主于明堂用古嚴父之道配以始封受命創業之君配神以太宗配在仁宗時以真宗配今則以仁宗配方仁宗始罷太宗明堂之配太宗先以配今則以仁宗配方祭于禮當罷不當復分雩祭之配天章閣待制兼侍讀李受天章閣侍讀傳卞奏以趙鼎之議為得禮若以太宗為祭既久不欲遷侑則乞以仁宗與真宗並配明堂亦為得禮詔從之禮院奏乞與兩制同議大行皇帝當配仁宗享明堂初禮院奏乞與兩制同議大行皇帝當配何祭翰林學士王珪等奏唐制即位禮儀使杜鴻漸等議季秋大享明堂以考肅宗配昊天上帝周公嚴父位亦以考代宗配王涇郊祀錄注云即孝經上帝以真宗配之道本朝祀儀季秋大享明堂祀昊天上帝以真宗配



之序推而上之則謂明堂之祭真宗當以太宗配先帝不當以真宗配今日謂明堂之祭真宗當以太宗配先帝等按易豫之說曰先王作樂崇德殷薦之上帝以配祖考蓋若祖考並可配天者也茲又符于孝經之說亦不可謂安在乎必嚴其父也祖考皆可配帝郊與明堂不可同位亦不可謂安在乎必嚴其父也雖周家不聞廢文配而移于武廢武配而移于成然而易之配考經之嚴父歷代循守固亦不為無說魏明帝宗祀文帝于明堂以配上帝史官謂是時二漢郊祀之制具存魏而損益可知則亦不可謂東漢章安之後配祭無傳遂以為未嘗嚴父也自唐至本朝其間賢哲講求不為少所不敢以異者捨周孔之道無所本統也今以為我將之詩祀文王于明堂而歌者也亦安知非仲尼刪詩存周之全盛之頌被于管絃者獨取之也仁宗繼本體保成業置之天下于泰安者四十二年功德于仁宗繼本體保成業置之始遂抑而不得配上帝之享甚非所以宣章陛下為後嚴父之大孝臣等稽參大典博攷公論敢以前所定論為便知諫院司馬光呂誨議切以孝子之心誰不欲

尊其父者聖人制禮以為之極不敢踰也故祖已訓高宗曰典祀無豐于昵孔子與孟懿子論孝亦曰先儒所謂禮然則親者不敢數祭為孝貴于得禮而已先儒所謂禘郊祖宗皆祭祀以配食也禘謂祭昊天于圓丘也祭上帝于南郊曰郊祭五帝也禘于明堂曰祖宗故詩曰思文后稷克配彼天又我將祀文王于明堂此其證也明堂此皆不見于經也前漢以高祖配天後漢以光武配者皆無配天之文故雖周自成康漢之文景明章其德嚴父莫大乎配天而子孫不敢配天者避祖宗也孝經曰德成太平之業則制禮作樂而文王適其父也故引之以證聖人之德莫大于孝答曾子之問而已非謂凡有天下者皆當以其父配五帝此乃誤釋孝經之意而違先王之禮皆以其父配五帝此乃誤釋孝經之意而違先王之禮不可以為法也景祐二年仁宗詔禮官稽參典籍辨崇祀之序定二祧之位乃以太祖為帝者之宗比周之文武然則祀真宗于穆太宗真宗為帝者之宗比周之文武然則祀真宗于

明堂以配五帝亦未失古禮今仁宗雖豐功美德洽于四海而不在二祧之位議者乃欲捨真宗而以仁宗配祀明堂恐于祭法不合又以人情言之是黜祖而進父也夏父弗忌躋僖公先兄而後弟孔子猶以為逆祀書于春秋況黜祖而進父乎必若此行之不獨乖違禮典恐亦非仁宗之意臣等切謂宜遵舊禮以真宗配五帝于明堂為便

詔從并等議 景靈宮美成殿奉安御容后郭氏故中書令郭崇孫女天聖二年九月十五日太后手書已于此

月特展嘉禮納為皇后埃南郊畢備禮冊命十一月二

十一日降制太后稱制恃勢頗驕橫太后崩美人向氏

楊氏尤得幸

向氏東都事略作尚氏尚與向古姓相通今仍其舊

向氏恩寵傾

京師后妒屢與忿爭向氏嘗于上前有侵后不遜語后

怒起批其頰上自起救之后誤抓上頸上大怒闔文應

白上以抓痕示執政大臣而謀之上以示呂夷簡且告

之夷簡曰光武漢之明主郭后止以怨懟廢況傷乘輿

乎上于是有廢后意右司諫范仲淹諫諍不納后乃請

入道賜號金庭教主冲淨元師居于安和院改院曰瑤

華宮景祐二年薨詔追復皇后曹氏父玘尚書虞部員

外郎贈太傅兼侍中東海郡王祖彬樞密副使檢校太

師兼侍中贈魯王

案東都事略彬贈韓王非魯王玘贈吳王非東海郡王與此所載互異


景祐元年九月內降制立為皇后所司擇日備禮冊命

十一月冬至行冊禮嘉祐八年三月尊為皇太后四月  
 權同聽政治平元年五月降手詔還政英宗尊皇太后  
 所居宮曰慈壽熙寧元年曾公亮表請名太皇太后宮  
 殿竝以慶壽為名二年正月尊為太皇太后五年十一  
 月二十一日崩諡慈聖光獻原諡議闕案東都事  
升祔太廟此失載張氏父堯封祖頴進士及第終于縣令堯封  
 景祐元年釋褐授石州軍事推官未赴卒于京師堯封  
 母錢氏女也后與其姊妹三人幼無依由錢氏納于章  
 惠太后宮時后八歲寢長得幸慶歷元年封清河郡君

歲中為才人遷修媛三年被疾願下遷為美人上許之

八年十月進貴妃十二月三日發冊原諡故事國朝以

禮然故事須埃旨方以告敕授之又凡降制皆從學士  
 院待詔書告詞送中書結三省銜官告院用印然後進  
 入宣制翰林學士宋祁止就院寫告直取官告院印用  
 之遽封以進方妃寵盛欲行冊命之禮告入進后怒曰  
 故事如當得冊命何用告為抵于地上為奪祁職改命  
 觀文殿學士丁度撰文案九朝編年云國朝命妃當  
 冊拜宋祁以進誥落職祁初亦疑進誥非是以李淑明  
 于典故而問之淑心知其誤而俾之進祁果得罪致宋  
 自溫成以前竝無命妃至和元年薨冊贈為皇后諡溫  
 冊拜者當以此書為正成原諡溫成案東  
 朝編年載初諡恭德樞密副使孫沔言太宗四后皆諡  
 曰德從廟諡也今恭德之諡其法何從遂改今諡此載



初諡元明廣明與各書互異 子英宗

英宗天聖十年生于宣平坊赤光滿室咸見黃龍往來室中濮王夢兩龍與日竝墮以衣承之復戲于空中其一龍視王曰吾非王所能有也後仁宗立為皇子

是書各

類中所載事實俱至南渡高宗朝止而世次一類自仁宗以後累朝俱闕惟錦繡萬花谷所引國朝事實有英

宗事迹一條

宋朝事實卷二

宋

李

攸

撰

登極赦

太祖建隆元年正月初五日登極赦

太祖以周顯德七年正月初四日

即位此書云初五日者蓋登極肆放在次日也

門下朕以五運推移上帝于焉

睠命三靈改卜王者所以膺圖朕起自側微備嘗艱險當周邦草昧從二帝以徂征洎虞舜陟方翊嗣君而纂位但罄一心而事上敢期百姓之與能屬以敵國侵疆邊民罹苦朕長驅禁旅往靖邊塵鼓旗纔出于國門將

校共推于天命迫迴京闕欣戴眇躬幼主以歷數有歸  
尋行禪讓兆庶不可以無主萬幾不可以曠時勉徇羣  
心以登大寶昔湯武革命發大號以順人唐漢開基因  
始封而建國宜國號大宋改周顯德七年為建隆元年  
乘時撫運既協于歌謠及物推恩宜周于華夏可大赦  
天下應正月五日昧爽以前天下罪人所犯罪已結正  
未結正已發覺未發覺罪無輕重常赦所不原者減赦  
除之應貶降責授及勒停等官竝與恩澤諸配徒役男  
子女人等竝放逐便其內外馬步兵士各與等第優給

諸軍內有請分料錢者特與加等第添給中外見任前  
任職官竝與加恩文武升朝官內諸司使副使禁軍都  
指揮使以上及諸道行軍司馬節度副使藩方馬步軍  
都指揮使應父母妻未有官及未曾敘封者竝與恩澤  
亡父母未曾封贈者竝與封贈諸處逃亡軍都限赦到  
百日內仰于所在陳首竝與放罪依舊軍分收管如出  
百日不來自首者復罪如初念彼愚民或行奸盜屬茲  
解網咸許自新諸軍有草寇處仰所在州府及巡檢使  
臣曉諭招喚若願在軍食糧者竝與衣糧如願歸農者



亦聽取便於戲革故鼎新皇祚初膺于景命變家為國  
鴻恩宜被于寰區更賴將相公王同心協力共裨寡昧  
以致隆平凡百軍民深體朕意

普龍飛記所載補入原註翰林  
學士承旨陶穀行蓋穀筆也

永樂大典所載登極  
赦文獨佚此詔今從趙

昭憲太后常與太祖參決大政及疾甚太祖侍藥餌不  
離左右太后曰汝自知所以得天下乎太祖曰此皆祖  
考與太后之餘慶也太后笑曰不然亦由柴氏使幼子  
王天下耳因戒敕太祖曰汝萬歲後當以次傳之弟則  
并汝之子亦獲安矣太祖頓首泣曰敢不如太后教其

後太祖遂傳位太宗皇帝開寶九年十月二十一日登  
極赦門下王者繼統承祧所以嗣神器節哀順變所以  
寧萬邦顧歷代之通規諒舊章而可法先皇帝勤勞啓  
國宵旰臨朝萬幾靡倦于躬親四海方成于開泰念農  
民之疾苦知戰士之辛勤氛祲盡平生靈永逸而寒暄  
邁厲寢疾彌留方臻偃革之期遽起遺弓之歎猥以大  
寶付于冲人遵理命而莫能固辭涉大川而罔知攸濟  
負荷斯重攀號莫任宜覃在宥之恩俾洽維新之澤可  
大赦天下云云恭惟先皇帝推誠損己焦思勞神念將

士之忠勤知戰伐之辛苦衣糧祿賜無非經手經心土地官封不惜酬勲酬効生靈是念稼穡爲憂罷非理之差徭去無名之侵耗不貪遊宴盡去奢華減後宮冗食之人停諸司不急之務方岳止甘鮮之貢殿庭碎珠玉之珍獄訟無冤刑戮不濫凡關物務盡立規繩予小子纘紹丕基恭稟遺訓仰承法度豈敢越違更賴將相公卿左右前後共遵先志同守成規庶俾冲人不墜洪業真宗至道三年四月一日登極赦門下創業垂統于以貽後昆嗣位承祧于以紹前烈爲股肱之元首俾億兆

之宅心洪惟永圖屬在明辟夫何涼德享是丕休先皇帝膺錄上玄受遺太祖臨御迨踰于二紀憂勤遂冠于百王無一日不舉皇綱無一事不親聖覽宵衣旰食焦思勞神禹跡混同方致太平之運堯心未倦俄興不豫之災棄大寶以上仙付冲人之神器仰遵顧命下迫推崇若涉大川罔知涯涘龜勉負荷兢畏交并宜覃作解之恩聊展奉先之意可大赦天下云云恭念先朝庶政盡有成規謹守奉行不敢失墜所宜開諫諍之路拔茂異之材鰥寡無告之民悉令安泰動植有生之類冀獲

昭蘇庶幾延宗社之鴻休召天地之和氣更賴中外百  
執左右蓋臣各盡乃職輔茲不逮布告遐邇咸使聞知  
仁宗乾興元年二月十九日登極赦門下天生烝民惟  
君所以司牧國有神器有子所以傳歸先皇帝紹累聖  
之不圖輯庶邦之大治焦勞虔輦二紀于茲忽興憑几  
之言永結遺弓之慕循顧眇質獲嗣慶基適屬承祧之  
初宜覃在宥之澤可大赦天下常赦所不原者咸赦除  
之恭念夙侍聖顏備承寶訓凡百機務盡有成規謹當  
奉行不敢失墜更賴宗工良佐中外臣僚咸竭乃誠以

輔不逮布告遐邇咸使聞知

英宗嘉祐八年四月一日登極赦門下烝民之生置君  
爲之司牧神器之重有子所以傳歸先皇帝天資慈仁  
聖德深厚臨御歲踰于三紀憂勤日覽于萬幾常旰昃  
以忘勞因晦明而邁厲寢違冲豫遂至彌留遽興憑几  
之言念及承祧之寄猥以大業屬于冲人永惟負荷之  
艱矧在哀迷之次罔知攸濟祇率舊章宜覃在宥之恩  
式表奉先之志可大赦天下云云恭念夙奉聖顏備聞  
聖訓在于庶政悉有成規惟謹奉行罔敢廢失更賴中

外多士左右忠賢各盡乃誠以輔台德布告遐邇咸使聞知

神宗治平四年正月九日登極赦門下夫民之戴君尊如元首之奉天之與子傳有神器之歸先皇帝紹履至尊欽篤先烈圖治百王之上垂精五載之間玉几留章每及夜分之覽紫闈訪道多逾日昃之咨既寤寐之積勤因寒暄之遘厲神機未厭遽至彌留之憂邦禍何勝已聞遺訓之託屬哀荒之靡次固負荷之惟艱熒然自思浩莫能濟宜本承祧之始用覃澤物之私可大赦天

下云云於戲奉先昭孝實本于天經肆旨推恩蓋循于國典更繁文武之助忠賢之規各勉交修永輔不逮咨爾有衆體予至懷

哲宗元豐八年三月六日登極赦門下生烝民而立之君所以出四方之令有天下而傳于子所以維萬世之安先皇帝道極聖神德兼文武圖治三王之上儲精七閩之間緝熙事功董正法度積勤勞于日昃違冲豫于春元植璧以歸方致金滕之禱綴衣遽設忍聞玉几之言眷予冲人屬以重器永荷艱難之託曷勝哀疚之懷

宜謹始于承祧用渙恩而及物可大赦天下云云恭念先朝之治必循五聖之謀思祇率于舊章用答揚于光訓尚賴中外列辟左右忠賢交修厥官以輔予治布告遐邇咸使聞知

徽宗元符三年正月十三日登極赦門下朕承先帝之末命嗣累世之丕圖若履淵冰未知攸濟先皇帝睿明聰哲克勤于邦遵制揚功篤紹先烈十有六載海內蒙休憂勞爽和遂至大漸乃以神器屬予冲人負荷惟艱怵惕以懼用謹承祧之始肆頒在宥之恩可大赦天下

云云恭念元豐詒謀紹聖遺訓具在天下可舉而行惟既厥心罔敢廢失其率循于天下用奉若于先王更賴忠良盡規文武合慮永弼乃后共圖康功咨爾萬邦體予至懷

欽宗宣和七年十二月二十五日受內禪登極赦門下我國家創業守成紹二百年之祚運宅中圖大奠三萬里之幅員施及眇躬嗣膺神器永念繼承之重懼劇春冰載惟臨御之難憂深朽索矧今邊垂未靖師旅方興肆推曠蕩之恩用慰邇遐之望可大赦天下云云於戲

清蹕而朝萬宇敢忘丕冒之仁繼明以照四方宣布惟  
新之澤更賴忠良協贊文武交修永孚于休同底于道  
咨爾有衆體予至懷

光堯壽聖太上皇帝建炎元年五月一日登極赦門下  
皇天祐宋卜世過于漢唐藝祖承周受禪同乎舜禹列  
聖嗣無疆之歷保邦隆不拔之基屬以朝姦稔成邊釁  
侍中都之安富忘外敵之憑陵馴致金人來犯京邑初  
登城而不下終邀駕以偕行痛念變輿遠征沙漠宗族  
從而盡徙宮闕為之一空仍仰臣僚俾僭位號朕以介

弟之親而授指開元帥之府以總師方輸敵愾之忠忽  
奉講和之詔豈圖變改終致阡危蓋嘗指日以誓諸軍  
使前迎而後請不憚瀝血而檄率土冀外附而內親而  
三事大夫與萬邦黎獻共致樂推之懇靡容牢避之私  
謂疊疊萬幾難以一日而曠位矧皇皇四海詎可三月  
而無君勉徇羣情嗣登大寶宵衣旰食紹祖宗垂創之  
基疾首痛心懷父兄播遷之難顛號久隔衆罔繫心軍  
旅荐興農多失業慰民耳目之注敷朕心腹之言爰布  
湛恩誕敷區夏可大赦天下於戲聖人何以加孝朕每

懷問寢之思天子必有所先朕欲救在原之急嗟我文武之列同時忠義之家不食而哭秦庭士當勇于報國左袒而為劉氏人咸樂于愛君其一德而一心佇立功而立事同後兩宮之復終圖萬世之安副我憂勤躋時

康父

案周輝清波雜志云高宗即位于南京肆赦文有兩本首尾皆同如道君發德音而罪己退辭履位

之尊淵聖以震長而繼天首正誤國之罪悉捐金幣分割膏腴思愛惜于兩朝忍輕加于一矢生靈受賜夷夏聞風要質賢王既驅車而北渡連結異域復擁眾以南侵慨谿壑之無厭味蜂蠆之有毒廷臣乏策敵使詭和款貌虎以退師致金湯之失險肆令狼子薦食都畿等語與今所傳本異蓋時有忌器之嫌也皆太常少卿滕康行永樂大典所載即當時所傳本而前詔特詳于清波雜志附識于此又攷宋史高宗即位大赦常赦所不

原者咸赦除之惟蔡京童貫王黼朱勔李彥孟昌齡梁師成譚稹及其子孫見流竄者更不收敘竝載清波雜志中是當時亦不盡赦也

孝宗皇帝紹興三十二年十三日受內禪登極赦門下春秋法五始之要聿嚴受命之符天地之大德曰生爰下維新之令太上皇帝慈儉為寶適駿有聲垂精三紀之間圖治百王之上神謨獨運總一日萬幾之繁聖武旁昭極四海九州之廣未嘗暇逸久積倦勤黃屋非唐堯之心居懷重負泰元增漢武之策欲介長年顧睿訓之博臨懼朕躬之弗稱凡今者發政施仁之日皆得之

問安侍膳之餘爰舉舊章用覃曠澤可大赦云云於戲  
有天下傳歸于子敢忘付託之難建皇極敷錫厥民允  
副邇遐之望尚賴股肱同德中外協謀共底績于中興  
以益光于永世咨爾有眾宜體朕懷

紀元

太祖朝 建隆元年 原註 庚申周顯德七年 建隆二年

原註 辛酉 建隆三年 原註 壬戌 建隆四年 原註 癸亥十一月十六

原註 長編宋史以是年為乾德元年其未改元以前之事俱  
係之乾德元年之下故建隆有三年無四年其後凡改  
元不在正月朔日即以所改之元紀年如乾德六年十

一月改元開寶即書開寶元年推于九年十月太宗即  
位改元太平與國仍書為開寶九年特為變例而事實

所載統以所改之元年分註是年之下至 乾德二年 原註

次年並書為二年其體例與各書互異 乾德三年 原註 乙丑 乾德四年 原註 丙寅 乾德五年 原註 丁卯 乾德

六年 原註 戊辰十一月二十四日南郊改開寶元年開  
寶二年 原註 己巳 開寶三年 原註 庚午 開寶四年 原註 辛未 開寶五年

原註 壬申 開寶六年 原註 癸酉 開寶七年 原註 甲戌 開寶八年 原註 乙亥 開

寶九年 原註 丙子十二月二十二日太宗改元為太平  
十一日即位十二月二十二日改

元原本誤作十月二十日今改正

建隆四年始議改元太祖謂宰相曰勿用前代舊號于



是改乾德他日帝于禁中見內人鏡背有乾德之號以問翰林學士陶穀穀對曰偽蜀時年號也宮人果故蜀王時人帝于是益重儒者而歎宰相寡聞也按偽蜀王衍以正明五年十二月改明年為乾德盡六年

太宗朝 太平興國二年 原註 丁丑 太平興國三年 原註 戊寅 太平興國四年 原註 己卯 太平興國五年 原註 庚辰 太平興國六年 原註 辛巳 太平興國七年 原註 壬午 太平興國八年 原註 癸未 太平興國九年 原註 甲申

國九年 原註 甲申十一月二十一日南郊改雍熙元年 太平興國元年 原註 乙酉 雍熙二年 原註 丙戌 雍熙三年 原註 丁亥 雍熙四年 原註 戊子 雍熙五年 原註 己丑 雍熙六年 原註 庚寅 雍熙七年 原註 辛卯 雍熙八年 原註 壬辰 雍熙九年 原註 癸巳 雍熙十年 原註 甲午 雍熙十一年 原註 乙未 雍熙十二年 原註 丙申 雍熙十三年 原註 丁酉 雍熙十四年 原註 戊戌 雍熙十五年 原註 己亥 雍熙十六年 原註 庚子 雍熙十七年 原註 辛丑 雍熙十八年 原註 壬寅 雍熙十九年 原註 癸卯 雍熙二十年 原註 甲辰 雍熙二十一年 原註 乙巳 雍熙二十二年 原註 丙午 雍熙二十三年 原註 丁未 雍熙二十四年 原註 戊申 雍熙二十五年 原註 己酉 雍熙二十六年 原註 庚戌 雍熙二十七年 原註 辛亥 雍熙二十八年 原註 壬子 雍熙二十九年 原註 癸丑 雍熙三十年 原註 甲寅 雍熙三十一年 原註 乙卯 雍熙三十二年 原註 丙辰 雍熙三十三年 原註 丁巳 雍熙三十四年 原註 戊午 雍熙三十五年 原註 己未 雍熙三十六年 原註 庚申 雍熙三十七年 原註 辛酉 雍熙三十八年 原註 壬戌 雍熙三十九年 原註 癸亥 雍熙四十年 原註 甲子 雍熙四十一年 原註 乙丑 雍熙四十二年 原註 丙寅 雍熙四十三年 原註 丁卯 雍熙四十四年 原註 戊辰 雍熙四十五年 原註 己巳 雍熙四十六年 原註 庚午 雍熙四十七年 原註 辛未 雍熙四十八年 原註 壬申 雍熙四十九年 原註 癸酉 雍熙五十年 原註 甲戌 雍熙五十一年 原註 乙亥 雍熙五十二年 原註 丙子 雍熙五十三年 原註 丁丑 雍熙五十四年 原註 戊寅 雍熙五十五年 原註 己卯 雍熙五十六年 原註 庚辰 雍熙五十七年 原註 辛巳 雍熙五十八年 原註 壬午 雍熙五十九年 原註 癸未 雍熙六十年 原註 甲申 雍熙六十一年 原註 乙酉 雍熙六十二年 原註 丙戌 雍熙六十三年 原註 丁亥 雍熙六十四年 原註 戊子 雍熙六十五年 原註 己丑 雍熙六十六年 原註 庚寅 雍熙六十七年 原註 辛卯 雍熙六十八年 原註 壬辰 雍熙六十九年 原註 癸巳 雍熙七十年 原註 甲午 雍熙七十一年 原註 乙未 雍熙七十二年 原註 丙申 雍熙七十三年 原註 丁酉 雍熙七十四年 原註 戊戌 雍熙七十五年 原註 己亥 雍熙七十六年 原註 庚子 雍熙七十七年 原註 辛丑 雍熙七十八年 原註 壬寅 雍熙七十九年 原註 癸卯 雍熙八十年 原註 甲辰 雍熙八十一年 原註 乙巳 雍熙八十二年 原註 丙午 雍熙八十三年 原註 丁未 雍熙八十四年 原註 戊申 雍熙八十五年 原註 己酉 雍熙八十六年 原註 庚戌 雍熙八十七年 原註 辛亥 雍熙八十八年 原註 壬子 雍熙八十九年 原註 癸丑 雍熙九十年 原註 甲寅 雍熙九十一年 原註 乙卯 雍熙九十二年 原註 丙辰 雍熙九十三年 原註 丁巳 雍熙九十四年 原註 戊午 雍熙九十五年 原註 己未 雍熙九十六年 原註 庚申 雍熙九十七年 原註 辛酉 雍熙九十八年 原註 壬戌 雍熙九十九年 原註 癸亥 雍熙一百年 原註 甲子

文改正 雍熙二年 原註 乙酉 雍熙三年 原註 丙戌 雍熙四年 原註 丁亥 雍熙五年 原註 戊子 雍熙六年 原註 己丑 雍熙七年 原註 庚寅 雍熙八年 原註 辛卯 雍熙九年 原註 壬辰 雍熙十年 原註 癸巳 雍熙十一年 原註 甲午 雍熙十二年 原註 乙未 雍熙十三年 原註 丙申 雍熙十四年 原註 丁酉 雍熙十五年 原註 戊戌 雍熙十六年 原註 己亥 雍熙十七年 原註 庚子 雍熙十八年 原註 辛丑 雍熙十九年 原註 壬寅 雍熙二十年 原註 癸卯 雍熙二十一年 原註 甲辰 雍熙二十二年 原註 乙巳 雍熙二十三年 原註 丙午 雍熙二十四年 原註 丁未 雍熙二十五年 原註 戊申 雍熙二十六年 原註 己酉 雍熙二十七年 原註 庚戌 雍熙二十八年 原註 辛亥 雍熙二十九年 原註 壬子 雍熙三十年 原註 癸丑 雍熙三十一年 原註 甲寅 雍熙三十二年 原註 乙卯 雍熙三十三年 原註 丙辰 雍熙三十四年 原註 丁巳 雍熙三十五年 原註 戊午 雍熙三十六年 原註 己未 雍熙三十七年 原註 庚申 雍熙三十八年 原註 辛酉 雍熙三十九年 原註 壬戌 雍熙四十年 原註 癸亥 雍熙四十一年 原註 甲子 雍熙四十二年 原註 乙丑 雍熙四十三年 原註 丙寅 雍熙四十四年 原註 丁卯 雍熙四十五年 原註 戊辰 雍熙四十六年 原註 己巳 雍熙四十七年 原註 庚午 雍熙四十八年 原註 辛未 雍熙四十九年 原註 壬申 雍熙五十年 原註 癸酉 雍熙五十一年 原註 甲戌 雍熙五十二年 原註 乙亥 雍熙五十三年 原註 丙子 雍熙五十四年 原註 丁丑 雍熙五十五年 原註 戊寅 雍熙五十六年 原註 己卯 雍熙五十七年 原註 庚辰 雍熙五十八年 原註 辛巳 雍熙五十九年 原註 壬午 雍熙六十年 原註 癸未 雍熙六十一年 原註 甲申 雍熙六十二年 原註 乙酉 雍熙六十三年 原註 丙戌 雍熙六十四年 原註 丁亥 雍熙六十五年 原註 戊子 雍熙六十六年 原註 己丑 雍熙六十七年 原註 庚寅 雍熙六十八年 原註 辛卯 雍熙六十九年 原註 壬辰 雍熙七十年 原註 癸巳 雍熙七十一年 原註 甲午 雍熙七十二年 原註 乙未 雍熙七十三年 原註 丙申 雍熙七十四年 原註 丁酉 雍熙七十五年 原註 戊戌 雍熙七十六年 原註 己亥 雍熙七十七年 原註 庚子 雍熙七十八年 原註 辛丑 雍熙七十九年 原註 壬寅 雍熙八十年 原註 癸卯 雍熙八十一年 原註 甲辰 雍熙八十二年 原註 乙巳 雍熙八十三年 原註 丙午 雍熙八十四年 原註 丁未 雍熙八十五年 原註 戊申 雍熙八十六年 原註 己酉 雍熙八十七年 原註 庚戌 雍熙八十八年 原註 辛亥 雍熙八十九年 原註 壬子 雍熙九十年 原註 癸丑 雍熙九十一年 原註 甲寅 雍熙九十二年 原註 乙卯 雍熙九十三年 原註 丙辰 雍熙九十四年 原註 丁巳 雍熙九十五年 原註 戊午 雍熙九十六年 原註 己未 雍熙九十七年 原註 庚申 雍熙九十八年 原註 辛酉 雍熙九十九年 原註 壬戌 雍熙一百年 原註 癸亥

亥 雍熙五年 原註 戊子正月十七日藉 端拱二年 原註 己丑

淳化元年 原註 庚寅正月一日改元 淳化二年 原註 辛卯 淳化三年 原註 壬辰

淳化四年 原註 癸巳 淳化五年 原註 甲午 至道元年 原註 乙未正月一日改元

至道二年 原註 丙申 至道三年 原註 丁酉

帝即位改元太平興國議者竊謂太平字一人六十也至道三年帝升遐壽五十九歲亦叶其數舒州民有獻瑞石誌公記其文曰吾觀四五朝後次丙子趙號太平二十一帝王國家啓運在五代後太宗丙子歲即位四五百年之前天命在國家久矣 宋史大中祥符五年閏十月丁丑出舒州所

宋史 卷二 石養源核

獲瑞石文日誌公記而不載其文此書不載年月日彼此可以參攷

真宗朝 咸平元年原註 即位初改元 咸平二年原註 咸平六年原註

三年原註 咸平四年原註 咸平五年原註 咸平六年原註

癸卯 景德元年原註 景德二年原註 景德三年原註

丙午 景德四年原註 大中祥符元年原註 大中祥符二年原註

中祥符二年原註 大中祥符三年原註 大中祥符四年原註

辛亥原註 大中祥符五年原註 大中祥符六年原註 大中祥符七年原註

符七年原註 大中祥符八年原註 大中祥符九年原註

天禧元年原註 天禧二年原註 天禧三年原註

天禧四年原註 天禧五年原註 乾興元年原註

景德五年正月三日乙丑天書降丙寅上謂宰相王旦等議降德音改年號丁卯王旦以德音條目上進上曰朕再思之奉承天意當大赦天下馮拯進曰適中書樞密院共議改元莫若取神人所告大中祥符之言以為年號上悅曰美名也先是景德四年十一月二十七日夜將半上方就寢夢神人星冠絳袍告上曰宜于正殿建黃籙道場一月結壇齋戒當降天書大中祥符三篇至是以紀元大中祥符九年十一月乙卯詔曰朕以獻

歲肇春元辛叶吉請真君而致潔奉寶冊以陳儀將伸  
 薦信之辭式舉建元之典其改來年為天禧元年乾興  
 元年正月一日御札內外文武臣僚等朕祇荷慶靈嗣  
 守洪業顧涉道之猶淺念守文之惟難曷嘗不未明求  
 衣既昃忘食兢兢業業罔敢怠荒而天地儲休宗社垂  
 祐嘉祥屢降庶政允釐民俗阜康邊垂靖謐臻于至治  
 益用愧懷屬歲律之肇新慶春祺之紛委式改紀年之  
 號併伸及物之恩宜自正月一日改天禧六年為乾興  
 元年重念類帝薦誠尚賒于亞歲先庚施令俾告于門

庭其今年冬合行南郊諸般恩澤竝特移就正月一日  
 庶茲惠渥亟洽羣倫所有覃慶及賞賚等一依自來南  
 郊體例施行至日朕親御正陽門宣制仍令有司草具  
 儀注以聞布告中外咸使聞知

仁宗朝

天聖元年

原註 癸亥上 卽位初改元

天聖二年

原註 甲子天聖

三年

原註 乙丑

天聖四年

原註 丙寅

天聖五年

原註 丁卯

天聖六年

原註

戊辰

天聖七年

原註 己巳

天聖八年

原註 庚午

天聖九年

原註 辛未

天聖

十年

原註 壬申

十一月六日改明道元年

案十

明道

二年

原註 癸酉

十二月降

景祐元年

原註 甲戌

景祐二年

原註

乙景祐三年原註景祐四年原註景祐五年原註戊寅

八日南郊改寶元二年原註寶元三年原註庚辰二月

定元康定二年原註辛巳十一月二十

慶歷三年原註慶歷四年原註慶歷五年原註乙酉慶歷六

年原註慶歷七年原註丁亥慶歷八年原註戊子皇祐元年原註己丑

正月一皇祐二年原註庚寅皇祐三年原註辛卯皇祐四年原註壬辰

皇祐五年原註癸巳皇祐六年原註甲午三月十

乙未至和三年原註丙申九月十

三年原註戊戌嘉祐四年原註己亥嘉祐五年原註庚子嘉祐六年原註

辛嘉祐七年原註壬寅嘉祐八年原註癸卯

上即位改元天聖時章獻明肅太后臨朝撰號者取天  
字于文為二人以謂二人聖者以尊太后也至十年改  
元明道又以謂于文日月竝也與二人之意同後以犯  
契丹主耶律明記諱遂改曰景祐是時連歲大旱改元  
詔意冀以導迎和氣也遼史景宗本紀諱寧字賢寧  
小字明辰與此及李燾長編作  
明記者有異又長編謂改元因歲旱蝗宜有變改而以  
歐陽修歸田錄所云犯契丹諱為誤此書則犯諱歲早  
兩說竝見正與歸田錄  
原文相符附注備攷五年因郊又改曰寶元自景祐  
初慕明皇以開元加尊號遂加景祐于尊號之上至寶

元亦然是歲趙元昊以河西叛改姓元氏朝廷惡之遽改曰康定而不復加于尊號而好事者以謂康定乃謚號也明年又改曰慶歷至九年大旱河北尤甚民死者十八九于是又改曰皇祐猶景祐也六年四月朔日食以謂正陽之月自古所忌又改曰至和三年上不豫久之康復又改曰嘉祐蓋自天聖至此凡改元者九皆有謂也

英宗朝 治平元年原註甲辰 治平二年原註乙巳 治平三年原註

丙午 治平四年原註丁未

神宗朝 熙寧元年原註戊申上 熙寧二年原註己酉 熙寧

三年原註庚戌 熙寧四年原註辛亥 熙寧五年原註壬子 熙寧六年原註

熙寧七年原註甲寅 熙寧八年原註乙卯 熙寧九年原註丙辰 熙寧

十年原註丁巳 元豐元年原註戊午正 元豐二年原註己未 元豐

三年原註庚申 元豐四年原註辛酉 元豐五年原註壬戌 元豐六年原註

元豐七年原註甲子 元豐八年原註乙丑

哲宗朝 元祐元年原註丙寅上 元祐二年原註丁卯 元祐

三年原註戊辰 元祐四年原註己巳 元祐五年原註庚午 元祐六年原註

辛未 元祐七年原註壬申 元祐八年原註癸酉 元祐九年原註四月十二

日改紹聖二年原註乙亥紹聖三年原註丙子紹聖四年原註丁丑

紹聖五年原註元符元年原註元符二年原註元符三年原註元符四年原註元符五年原註

二年原註己卯元符三年原註庚辰

徽宗朝 建中靖國元年原註其年南郊又改明年元

寧元年原註壬午正崇寧二年原註癸未崇寧三年原註甲申崇

寧四年原註乙酉崇寧五年原註丙戌大觀元年原註丁亥正大

觀二年原註戊子大觀三年原註己丑大觀四年原註庚寅政和元年

辛卯正政和二年原註壬辰政和三年原註癸巳政和四年

甲午政和五年原註乙未政和六年原註丙申政和七年原註丁酉政

和八年原註戊戌十一月重和二年原註己亥二月三

宋史重和二年二月三日原註庚辰改元攷是年正月戊申宣

朔則庚辰為二月三日原註原本誤作三月一日今改正

和二年原註庚子宣和三年原註辛丑宣和四年原註壬寅宣和五年

癸卯宣和六年原註甲辰宣和七年原註乙巳

欽宗朝 靖康元年原註丙午上

光堯壽聖太上皇帝朝 建炎元年原註丁未五月朔

為建炎元年原註此書紀元非正月朔日改元者皆作

分註至次年直書為二年高宗以靖康二年五月一日

即位改元此特書建炎元年者建炎二年原註戊申建炎三

蓋以建炎中興故變例書此

年原註己酉建炎四年原註庚戌紹興元年原註辛亥原註宋史

紹興元年原註正月一日

宋史紀事本末

改元此處原註紹興二年原註壬子紹興三年原註癸丑紹興四年

原註甲寅紹興五年原註乙卯紹興六年原註丙辰紹興七年原註丁巳紹

興八年原註戊午紹興九年原註己未紹興十年原註庚申紹興十一

年原註辛酉紹興十二年原註壬戌紹興十三年原註癸亥紹興十四

年原註甲子紹興十五年原註乙丑紹興十六年原註丙寅紹興十七

年原註丁卯紹興十八年原註戊辰紹興十九年原註己巳紹興二十

年原註庚午紹興二十一年原註辛未紹興二十二年原註壬申紹興

二十三年原註癸酉紹興二十四年原註甲戌紹興二十五年原註

乙亥紹興二十六年原註丙子紹興二十七年原註丁丑紹興二十

八年原註戊寅紹興二十九年原註己卯紹興三十年原註庚辰紹興

三十一年原註辛巳紹興三十二年原註壬午

靖康二年五月一日赦朕惟火德中微天命未改攷光

武紀元之制紹建隆開國之基用赫丕圖益光前烈可

以靖康二年五月一日改爲建炎元年

江准未

年  
以  
五  
三

*[Faint bleed-through text from the reverse side of the page]*

宋朝事實卷三

宋 李

攸撰

詔書

太宗嘗為手詔戒陳王元僖等

案詔稱即位十三年是為端拱元年攷元僖以

是年三月進封許王此詔尚稱陳王則當在是年二月以前也

曰朕周顯德中年十六

時江淮未賓從昭武皇帝南征戰軍屯揚泰等州數與交戰朕雖年少擐甲胄習弓馬屢與賊軍交鋒應弦而踏者甚眾行伍皆見太祖駐兵六合得知其事拊髀大喜十八從周世宗及太祖下瓦橋關瀛莫等州亦在行



陣泊太祖卽位親討李筠李重進朕留守帝京鎮撫都城上下如一其年蒙委兵權歲餘授開封尹歷十六七年民間稼穡君子小人真偽無不更諳卽位以來十三年矣朕持儉素外絕遊田之樂內鄙聲色之娛真實之言固無虛飾汝等生于富貴長自深宮民庶艱難人之善惡必是未曉略說其本豈盡予懷夫帝子親王先須克己勵精聽卑納誨每著一衣則憫蠶婦每餐一食則念耕夫至于聽斷之間勿先恣其喜怒朕每親臨庶政豈敢憚于焦勞禮接羣臣無非求于啓沃汝等勿鄙人

短勿恃己長乃可永守富貴以保終吉先賢有言曰逆吾者是吾師順吾者是吾賊不可不察也

真宗初爲開封尹旣入對上諭以理民之道曰夫政教之設在乎得人心而不擾欲得人心莫若示之以誠信欲不擾莫若鎮之以清淨先聖有言曰撫我則后虐我則讎無越于此苟撫養得宜雖虎狼亦當馴擾況于民乎文王語太子發曰吾所以得民心者蓋童羊不殺童牛不使以是仁愛四海歸心祚延八百他日復對宰相語其事呂蒙正曰晉漢之世君臣疑間封疆狹隘民苦

殘暴史弘肇輩非理殺戮都市之內橫尸流血當時議者曰如是爲國其能久乎果運祚短促姦臣窺伺清淨爲理誠如聖旨

仁宗景祐元年四月

宋史仁宗本紀作五月詔曰織

丁卯此作四月與史互異文之奢不鬻于國市纂組之作實害于女工朕稽若令猷務先儉化深維抑末緬冀還淳然猶杼軸之家相矜于靡麗衣服之制弗戒于紛華浮費居多踰侈斯甚宜懲俗尙用謹邦彝內自掖庭外及宗戚當奉循于明令無因習于媮風其錦背繡背及遍地密花透背段子竝

宜禁斷西川歲織上供者亦罷之

上嘗謂近臣曰聖人治世有一物不得其所若己推而置諸死地羽蟲不傷則鳳凰來毛獸不傷則麒麟出此聞臣僚士庶人家多以鹿胎製造冠子及有命婦亦戴鹿胎冠子入內者以致諸處採捕殺害生牲宜嚴行禁絕乃下詔曰冠冕有制蓋戒于侈心麇卵無傷用蕃于庶類惟茲麇鹿伏在中林宜安濯濯之游勿失呦呦之樂而習俗所貴獵捕居多旣澆民風且暴天物特申明詔仍立嚴科絕其尙異之求一此好生之德宜令刑部

徧牒施行應臣僚士庶之家不得戴鹿胎冠子今後諸色人不得採殺鹿胎竝製鹿胎冠子如有違犯許人陳告犯人嚴行斷遣告事人如告獲捕鹿胎人賞錢二十貫告戴鹿胎冠子竝製造人賞錢五十貫以犯人家財充自是鹿胎無用而採捕者亦絕

政和三年七月二十一日奉御筆禮以辨上下定民志自秦漢以來禮壞不制富人牆壁被文繡倡優僭后飾當時士之賢者至于太息時君世主亦莫能與卑得以踰尊賤得以凌貴欲安上治民難矣比哀集三代鼎彝

簠簋盤匱爵豆之類凡五百餘載之于圖攷其制作而所尚之象與今薦天地饗宗廟之器無一有合去古既遠禮失其傳夫祭以類而求之其失若此則豈能有格乎已詔有司悉從改造若宮室車服冠冕之度昏冠喪葬之節多寡之數等殺之別雖嘗攷定未能如古秦漢之弊未革也夫道之以德齊之以禮有恥且格今無禮以齊之而刑施焉朕甚憫之可于編類御筆所置禮制局討論古今沿革具畫來上朕將親覽參酌其宜蔽自朕志期在必行草千古之陋以成一代之典庶幾先王

垂法後世

宣和二年六月十七日奉御筆手詔國家承祖宗積累之休民物阜安之久禮樂明備法具令完是宜嘉與四海之人同臻逸樂而邇歲僥倖浮僞者衆爵祿冗濫政令猥并竭天下賦入之常殆不能給當宁慨念宵旰不忘屬攷先王立政立事之經紹元豐詒謀之重至于踰其名分冒濫過甚者稍加裁定所以抑僥倖澄浮僞垂裕無窮蓋非五季鐫削之計而懷姦之士尚敢造言惑衆唱爲裁損之說規欲動搖夫以三省樞密院之近綱

紀所自出而額外吏職踰先帝官制者幾四百員冒帶階官自朝奉大夫至中奉大夫者五十人保引入省院者至千有餘員神霄一司無所責任而置吏踰四百五十人國用之匱顧有自矣雖欲不汰可乎咨爾臣子其體茲意自今有敢妄議朝政鼓惑衆聽意在朋比爲姦及奉承詔令觀望稽滯違戾者有官職人竝以編置餘杖脊流配仰御史臺彈奏開封府察治仍出榜朝堂故茲親加詔諭師聽無渝

詔三省依元豐成憲宣和七年四月二十七日御筆手

詔神考若稽古制正名百官以貽休于萬世眷言三省稽決政事維持紀綱之地凡命令之出所以審議行者必由此焉是以有詔曰中書揆而議之門下審而覆之尚書承而行之有不當者自可論奏事無巨細遍經三省無出一己使擅其權屬政和而建議者遂以尚書令僕之名易之公相凡三省之務悉總治之後復以公相廳爲都廳而領三省則初未之革使神考垂裕不刊之典奪于權臣自營之私良用憮然朕嗣守丕業率循舊章夙夜于茲大懼弗克祇紹常謂坐而論道于燕閒者

三公之事作而相與推行者宰輔丞弼之職今居三公論道之位而總理三省衆務使宰輔丞弼殆成備員殊失所以紹述憲章之意可于尚書省復置尙書令虛而不除三公止係階官更不總領三省若曰佐王論道經緯國事則三公其任焉三省竝依元豐成憲毋復侵紊敢輒議者以大不恭論若昔大猷是正邦典朕庶幾無愧于前人播告中外咸知朕意

聖學

大宗篤好儒學嘗覽前代修文殿御覽藝文類聚門目

繁雜失其倫次乃詔翰林學士李昉扈蒙知制誥李穆  
 右拾遺宋白等參詳類次分定門目編為太平總類一  
 千卷俄改為太平御覽錄宋史及各家書目皆作太平御覽此多一錄字與各書  
 異又謂稗官之說或有可採令取野史傳記故事小說  
 編為五百卷賜名太平廣記

太宗嘗謂侍臣曰朕萬幾之暇不廢觀書見前代帝王  
 行事多矣苟自不能有所剪裁全倚于人則未知措身  
 之所因言宋文帝恭儉而元凶悖逆及隋楊素邪佞唐  
 許敬宗諂諛之事侍臣聳聽蘇易簡曰披覽舊史安危

治亂盡在聖懷社稷無窮之福也

上覽兵法陰符經歎曰此詭詐奇巧不足以訓善姦雄  
 之志也至論道德經則曰朕每讀至兵者不祥之器聖  
 人不得已而用之未嘗不三復以為規戒王者雖以武  
 功克敵終須以文德致治朕每日退朝不廢觀書意欲  
 酌先王成敗而行之以盡損益也

上讀老子語侍臣曰伯陽五千言讀之甚有益治身治  
 國竝在其內至云善者吾亦善之不善者吾則不善之  
 此言善惡無不包容治身治國者其術如是若每事不

能容納則何以治天下哉  
太平興國八年上顧宋琪李昉等曰朕因思閭里間每日焚香祝天子萬歲次大臣眉壽朕與卿等焉得不日思善事以副億兆人之禱宋琪曰臣等蒙陛下不次擢用又承戒諭豈敢為不善之事以負宸恩惟思公勤庶補萬一咸再拜謝

太平興國九年太宗謂宰相曰朕每日所為自有常節晨間視事既罷便即觀書深夜就寢五鼓而起盛暑盡日亦未嘗寢乃至飲食亦不過度行之已久甚覺得力

凡人食飽無不昏濁儻四肢無所運用便就枕血脈凝滯諸病自生欲求清爽其可得乎老子曰我命在我不在于天全繫人之調適卿等亦當留意無自輕于攝養也

真宗即位每旦御前殿中書樞密院三司開封府審刑院及請對官以次奏事辰後入宮尙食少時出坐後殿閱武事至日中罷夜則傳侍讀侍講學士詢問政事或至夜分還宮其後以為常

龍圖閣直學士陳彭年因次輪對儒術汗隆君臣難易

之要上曰朕每念太祖太宗丕變衰俗崇尚斯文垂世  
教人實有深意朕謹遵聖訓紹繼前烈庶警學者人君  
之所難由乎聽受人臣之所不易在于忠直其或君以  
寬大接下臣以誠明奉上君臣之心皆歸于正上下之  
際靡失厥中直道而行至公而遇此天下之達理先王  
之治猶指諸掌孰曰難哉因作二論示之

上謂近臣曰朕聽政之外未嘗虛度時日探測簡編素  
所耽玩古聖賢奧旨有未曉處不克廢忘昨置侍讀侍  
講學士自今令祕閣官每夕具名聞奏朕欲召見得以

訪問其後每當直或召對多至二三鼓方退

上嘗謂王旦等曰經史之文有國家之龜鑑保邦治民  
之要盡在是矣然三代之後典章文物制度聲名參古  
今而適時用莫若史漢學者不可不盡心焉且曰孔子  
于周衰歷聘諸國退而刪詩書定禮樂以五常之道垂  
萬世法後之王者雖上聖必師範之古人云生民以來  
未有如夫子者蓋以此也如云志在春秋者誠欲以褒  
貶筆削爲終古誅賞之法使亂臣賊子觀而知懼茲立  
教之深旨爲國家之大要自司馬遷爲一家之書蓋知



春秋凡例不可繼故曰紀曰書曰世家曰列傳懲勸之微旨在焉班固而下不得其意但詞采而已上曰夫子之道不可斯須而舍迂儒或言堯舜之時無夫子亦治此淺識之甚殊不知夫子之道堯舜之道也故曰祖述堯舜憲章文武又曰惟天為大惟堯則之其惟尊堯而宗舜所謂夫子之道與堯舜無異也

上嘗謂近臣曰古人多言禱神可以延福未必如此能行好事神必福之如禮記世子篇注云文王以憂勤損壽武王以快樂延年其聖經之旨必不如此蓋注皆不

思之甚也文王焦思勞神以憂天下豈得減壽夏禹焦勞有錫圭之瑞而享國永年大約帝王能憂人之憂不自暇逸豈無感應鄭康成注此頗不近理安足為之鑒戒朕嘗與邢昺論之昺不能對且曰古人亦言憂而右正言知制誥朱巽專對言朝廷命令不可屢有更改自應陳述利害改張法制者望先委有司詳議其經久可行者行之不可行者止之庶幾張綱紀以絕分爭上顧宰臣曰此甚識體且事之可否報政之地所宜盡言無隱惟貴君臣道合若上下同心何憂不治今四方無

虞賴卿等慎守經制若一事遽行則攀援重臣詞說競起處置頗難是知今所施行不可不慎至若言事利病輕爲釐革初則皆以爲當後則翻成有害及復正其事乃是朝令夕改此事允當執守書云慎乃出令令出惟行此之謂也上又曰涖官之人不可太寬致成弛慢亦不可過求人之罪務于煩擾王旦曰古人有言法出而弊作令下而奸生寬則民慢陷法者多亟則民無所措手足正爲此焉上深然之

治平元年祖無擇知制誥獻皇極箴詔獎之

治平三年二月辛丑命龍圖閣直學士兼侍講司馬光編集歷代君臣事迹于是光奏曰臣自少來略涉羣史竊見紀傳之體文字煩多雖以衡門專學之士往往讀之不能周浹況于帝王日有萬幾必欲徧知前世得失爲未易竊不自揆常欲上自戰國下訖五代正史之外旁採他書凡關國家之興衰繫生民之休戚善可爲法惡可爲戒王者所宜知略依左氏春秋傳體爲編年一書名曰通志其餘浮冗之文悉刪去不載庶幾聽覽不勞而聞見甚博私家區區力不能辦徒有其志久而無

宋史 卷三十一 二靖本誼校

成鼎曾以戰國時八卷上進幸蒙賜覽今所奉詔旨未  
審令臣續成此書或別有編集若續此書欲乞一以通  
志為名其書上下貫穿千有餘載固非愚臣所能獨修  
伏見韶州翁源縣令劉恕宋史劉恕傳恕為鉅鹿主簿和川令光薦修通鑑召為  
局僚不言為翁源令將作監主簿趙君錫宋史司馬  
也此為宋史互異均不載薦修通鑑事本傳亦不載其  
為將作監主簿此可補宋史之闕皆有史學為眾所  
推欲望差此二人與臣同修庶早成書詔從之而令接  
所進書八卷編集俟書成取旨賜名其後君錫父喪不  
赴命太常博士國子監直講劉攽代之

元豐七年十二月戊辰端明殿學士司馬光上資治通

鑑五代紀三十卷自治平三年置局宋史英宗治平三年置局在祕閣

每修一代史畢上之至是書成總二百九十四卷目錄

攷異各三十卷上諭輔臣曰前代未嘗有此書過荀悅

漢紀遠矣輔臣請觀之遂命付三省仍令速進入以光

為資政殿學士降詔獎諭

范祖禹曰神宗皇帝即位之初多與講讀之臣論政事

于邇英君臣傾盡無有所隱而帝天資好學自強不息

禁中觀書或至夜分其勵精勤政前世帝王未有也自

宋明事實 卷三十一

身草三卷 三靖本誼校

熙寧至元豐之末間日御經筵風雨不易蓋一遵祖宗成憲以為後世子孫法也可不念哉

御製

太宗皇帝御製太師魏國公尚書令真定王神道碑

宋史趙普薨贈尚書令追封真定王太宗撰神道碑親御八分書以賜之蓋卽此篇但僅見錄于杜大珪名臣碑傳琬琰集而殘闕不全僅存十之三四此書所載篇幅既完且其事蹟年月多與東都事略及宋史趙普本傳相異

唐堯在位聖賢謂之叶符虞舜得人天地以之開泰八方理定千載會昌必旌在石之材以觀其壯節鹽梅之寄以濟其和平是故應運握圖明王聖帝受天寶

命開國承家無不用忠確間世之臣光輔基業股肱心膂之士共同甘辛萬代通規一時遭遇保全令德克荷洪勲者其故真定王普之謂矣王姓趙氏字則平其先顓頊之裔佐禹平水土是謂柏翳帝堯賜姓曰嬴氏造父其後也有功于周穆王受封于趙周德下衰叔帶去周適晉六卿取晉遂開國焉今為常山人也  
宋史趙普傳本幽州薊人父迥徙常山又徙河南洛陽王蘊人倫之風槩稟山嶽之儀型晦而不彰寬而無撓竭其誠志有始有終無善不藏非義勿取頃自我太祖從周世宗南平淮甸水陸兼行龍虎

宋史

卷三

三

震威號令始發捷如影響冥契神人是時擒其偽將皇

甫暉于滁上王時為郡之參佐斷事明敏獄無冤者太

祖聞名召見與語深器之宋史太祖拔滁州普為軍

夕奉藥餌宣祖待以宗分泊後太祖仗鉞左馮因辟為

同州節度推官歷華臺許田濉陽三鎮從事宋史太祖

州表為掌書記不載其為華臺其在幕府也恭敬畏慎

盡竭赤誠夜思晝行勿矜勿伐可謂龍吟虎嘯雲起風

從如懷萬頃之陂遭遇承平之會太祖光宅天下龍躍

商丘知有佐時之才早定君臣之契擢為諫議大夫樞

密學士仍頒金紫以榮之是歲上黨帥李筠叛太祖將

議親征委之留守調發軍實王以為聖上躬擐甲胄臣

子宜效驅馳乃陳懇上言乞扈從鑿輅泊中途進策宋

史西京留守向拱來朝獻策急攻而不載曰陛下初登

寶位應天順人將制驍雄光耀神武兵機貴速不尚迂

遲若倍道兼行掩其倉卒所謂自天而下不戰而成擒

也太祖深納其言舉兵速進未詣長平李筠果擁眾出

戰于時靈旗指寇勇士齊心叛帥自焚餘黨就戮旋又

維揚帥李重進包藏禍心阻抗王命太祖便殿召對問

攻取之策王籌其繕修孤壘倚恃長淮而士卒離心資糧乏絕以順討逆動必成功太祖深然之乃親御六師長驅淮楚不踰數月果爾盪平駕迴酬其功賞階授金紫加太保充樞密使宋史建隆元年平李重進建隆三年普始拜樞密使檢校太保據此則當在元年平李重進之後仍賜功臣之號爰自累代以來朝廷多故諸侯專制兵甲亂常加以僭偽未平名臣碑傳琬琰集載此碑自首至加以僭偽未平句止以下皆闕師旅未備餘風未殄思有以革之王以庶務草創深惟遠圖利害靡不言纖微靡不達忠盡其力言無轉規啓心不疑振舉風俗故

得遐邇悅服政令惟新皆其功也乾德中拜門下侍郎同中書門下平章事因之大用出于流品矣我太祖觀其才智凡事責成既升近密之權可觀立功之效英聲張之間出文物為之復興戮力同心如石投水固已蕭為讓行姚宋推功魚水之歡未足為比惟誠惟信少是少非敷歷艱難上副弼諧之任明哲兼濟聿臻命世之才忠順其言純誠克著恢張出之于人表翊戴以助于康平徇公滅私不忘片善用心合道逆邪求知開寶六年太祖以王始佐創業克志昇平伐罪弔民開擴疆土

平西蜀平南越擒吳會來北戎威德綏懷無遠不至雲龍際會大通合符十有餘年矣知無不爲甚煩神用務均勞逸以優蓋臣尋授太傅佩相印持節河陽洎朕嗣守丕圖勤修庶政腹心之寄中外攸同特授太嶽宮使相如故乃瞻并汾民墜塗炭戎車一駕逆壘宵降旣靜妖氛爰覃爵賞改太子太保增加并賦北連朔嶠東盡海嶠禹穴唐郊盡爲王土朕嘗念往年之舊德褒賞輔弼之殊勲帷幄之謀明于果斷思置之左右前後任以耳目股肱粵自藩垣入居廊廟久竭粥諧之道更資調

變之能遂徵授守司徒兼侍中昭文館大學士三階已正百度惟貞憂國忘家直亮在意常誠諸弟諸子以爲受寵逾分富貴逼身一領名藩再登上相以身許國私家之後吾弗預焉嘗念頃自宥密升于宰輔出入三十餘年未嘗爲親屬而求恩澤爾等各宜砥礪無尚吾過故自始至末親黨無居清顯者昔春秋美晉大夫羊舌肸謀而鮮過惠訓不倦王復有焉八年以襄鄧之俗獄訟攸煩惠彼疲民寄之元老下車布政鄉閭阜安事有未便于民者削而去之利于民者舉而行之豪猾畏威

鰥寡懷惠暨改轅襄漢民之去思如失父母時也得病

于南陽經年未差就移漢水重鎮便藩宋史太平興國八年出為武

勝軍節度雍熙三年春大軍出討幽薊久未班師普手疏諫引姚元崇十事雍熙四年始移鎮山南東道節度

今據碑文則移鎮在三常思報主之誠每懷憂國之忠

迺心王室時有箴規上表引唐姚元崇十事陳古今治

亂之由極人臣獻納之意興懷慷慨詞甚激切揣摩時

事居安慮危此又其忠蓋也朕以歷代藉田其禮久廢

勤農務本其可忽諸乃命有司舉行舊典改元布慶帝

載惟熙造膝沃心惠我耆德而王久違宸扆思拜闕庭

既累進于直言宜載踐于寢廟復授太保兼侍中昭文

館大學士宋史雍熙四年下詔親耕藉田普表求入

侍中不載其兼昭文館大學士此可補宋史之闕居雲霄之上位擢列辟之崇

資燭幽明而無怠無荒報恩榮而可大可久刑政之務

知無不為功績播于謀猷羣庶謂之明哲獻替之職理

事皆通不憚劬勞夙夜匪解可以傳聞清世書于簡編

而連歲之間風疾頻發願避賢者之路乞歸閒散之官

朕以勲舊之臣方深倚注命駕臨問涕泣興言齒髮雖

衰痾瘵未退荷天之寵力所不任特授太保兼中書令



洛陽留守又經歲疾勢轉深上表堅乞退避以禳災眚  
 勉強誨諭志不可奪乃冊拜守太師進封魏國公就便  
 頤養太醫中使不絕于路願望有瘳別加殊渥豈期美  
 亦王遠彌留以淳化三年七月十四日薨于洛陽之私  
 第普以淳化三年春致仕七月薨享年七十有一朕  
 覽表驚嗟悲慟累日不待巫祝桃茢親臨其喪賻服舉  
 哀輟視朝五日遣右諫議大夫范杲持節策贈尚書令  
 追封真定王特賜諡曰忠獻弔祭賙贈之數竝給加等  
 以盡君臣之禮焉四年二月命有司備鹵簿葬于洛陽

北邙之原而合祔焉宋史本傳葬日有司設鹵簿鼓吹如式不詳其年月此云二月則

當在四年原本誤嗚呼梁木斯壞哲人云萎若濟巨川

予將安寄王性本俊邁幼不好學及至晚歲酷愛讀書  
 經史百家常存几案強記默識經目諳心碩學老儒宛  
 有不及既博達于今古尤雅善于談諧馬伏波詞辨分  
 明杜征南手不釋卷見事而敏抱器自然壯志無窮日  
 新其德許國常存于懷抱令譽以至于名彰其為子也  
 孝養于親動不違禮友愛于昆弟嚴慈于子孫其仕于  
 公也奢儉酌中貞忠許國名器能守謙卑益光茂德崇

勲輝映朝列寵遇之盛古今罕聞自再入廟堂時陳規  
諫負荷重寄常懷啓沃之心竭輸忠忱以待公家之事  
有萬石君之周慎孔光之謹命管葛之智略房杜之經  
綸舉而兼之斯謂全德朕于早歲嘗與周旋而節操有  
恒始終無玷荷台鉉之任處輔弼之司既集大勲荐膺  
典冊紀其功烈宜在旂常昔唐虞之得臯夔夏商之任  
虺益有周以閔散佐佑炎漢以蕭曹弼諧用能寅亮帝  
謨緝熙庶績儔庸比德今其勝哉天不憖遺予何自律  
迺跡其景行勒之鼎彝昭臣範于將來庶令名之不朽

銘曰應運開國股肱任賢委以心腹操執彌堅實猶令  
德王猷周旋裨贊明聖厥位名傳信任得人方言柱礎  
魚水同心君臣盛美夜寐夙興有終有始進思盡忠見  
義從矣退思補過器識安閒攀龍附鳳備歷艱難縱橫  
志大接對溫顏官崇薦陟善惡之間近密公朝與奪非  
類稟性懷柔區別利害踐揚貴職綽有奇才經綸宏異  
學識通該赫赫皇猷恭恭近侍任以機權寵彰名器啓  
沃王命業茂勲崇南征北伐平盪姦雄日侍冕旒情偽  
明察假仗天威好生惡殺若聞誼駭事不忤昵堪爲國

重制斷臨時性直如繩酌中如砥孝悌于家簡編信史  
 惟公之德間代英靈非義不理庶務乃馨積善夤緣敦  
 厚必顯文教潛敷聲聞自遠殊勲表信追思念切素推  
 臣節澤被無窮奇士挺生民安俗阜允洽克從禮讓規  
 矩悲風颯颯夜杳冥冥咨嗟永隔精魄長扃喪此貞純  
 曷終暮景魂影已沈去路斯永廟堂師傅丘壠幽泉勒  
 銘翠琰不勝潸然

西京崇福宮記

原註真宗章獻神宗欽慈神御

高高之莫洛邑望之巍

然峻極于天號稱中嶽夏之興也祝融降焉自三代以  
 來罔不祀事深林鉅谷陽舒陰慘有木有草食者不昧  
 變化不測厥惟福壤昔我章聖齊明寅畏格于上下文  
 思武定以底丕平大中祥符間天下無事祠祀天地山  
 川舉典則以治神人顧山川之神足以紀綱天下者非  
 致隆備物以昭崇極則不足以稱由是冊尊嵩岳曰中  
 天崇聖帝嵩旁觀曰太一唐高宗所立自唐迄今歷歲  
 數百天禧中章獻明肅皇后斥奩具葺而治之更宮名  
 曰崇福且置殿曰會元以嚴后土元天大聖后之象仁  
 祖天聖景祐之際永懷章聖皇帝建寶祥之殿以奉時

容而塑章獻明肅皇后于殿之西閣于是山川之嘉氣爰聚爰宅而王畿之西琳宮真館神聖所依崇福爲之冠元豐改元歲在戊午欽慈皇后被遇神考深惟繼承之重天下之大本夙聞嵩嶽多神異之紀而嵩旁之官得太室瀍澗之勝有靈明眇蠻之實獨崇福爲第一乃因阿保富氏俾族子永和齋持香幣有禱于會元之神神享其請賜以吉卜再卜襲吉越四年壬戌冬十月是生朕躬明年三月又遣永和自京師命羽流盛芳薦以伸昭報又十有七年當元符之庚辰朕入繼大統獲承

至尊詢謀往昔留戀祕宇而增隆之典廢缺弗講圖像之威黯昧就滅榱桷之制腐剝撓折殆非所以振顯神之太庇而仰當我烈考欽慈在天之靈爰敕有司于始生之辰增度道侶而本始之元四序之首候屆炎律歲邁履端衍寶籙之徽言啓僊科之靜供者閱月而後止黃金之飾瓌麗之器皆尚方所作百具用修蓋元符庚辰之五月崇寧癸未之九月也

崇寧二年爲癸未原本誤作癸巳今改正

大觀元年丁亥復詔洛師侈宮楹而大之革故取新華潔完固萬役不出于民一費不取于官庀工予財悉自

內府三年三月工告訖百辟卿士咸曰休哉必有金石刻以紀本末而垂無窮朕恭念欽慈皇后為天下之母育天下之君而不得致天下之養茲用夙夜震悼于心若乃儀式刑神考之訓繼其志述其事以紹先烈庶幾乎得四海之歡以事宗廟于以顯親于以揚名孝之本也眷求慶源想像嗣服昭答靈貺肇新寶構以示無忘朕亦安敢忽諸初新茲宮靈芝拱穀產于萬歲峰下實會元殿之背荐生嘉卉貫芝同秀世莫識其名者凡三本河南守上其事宰臣率百官賀于閣門外天下悉以

為瑞應賴天溥臨於昭孝思鋪張聲詩傳之百世非朕孰宜為辭曰覆載定位融結以類維山巖巖惟嵩中峙

爰有琳宮在嵩之旁


案在嵩原本作在官據此記前有嵩旁觀曰太一之文則宮字當係

嵩字之訛今改正

佳氣萃止福源穰穰在昔章聖衣冠出游惟

時仁宗世德作求睟儀穆穆寶構奕奕以安以寧百神受職於皇神考克肖天德既受帝祉子孫千億欽慈方幼長發其祥神斯顧享錫羨用光念茲皇祖厥猷翼翼以保以承是荷是式緬懷欽慈永言孝思凡我有今欽慈之為作茲新宇以報以祈孝奉神明天且弗違靈芝

拱穀異名同秀於昭瑞應自天之祐追惟罔極敢怠永  
久刻文茲石以昭厥後



蘇齋寶譜

蘇齋寶譜

白太

